



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.43. Concilium contra PLatonem & Theodorum convocatum.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

tus fuerat, scripsit in hunc modum: *In* Sæculum IX. *terdicatur* Oeconomo *Officium* Sacerdotale, & *Officium* Divinum cum Patriarcha, si iusserit, quilibet ordine nostro celebrabimus. *Ut* nullus dubitandi locus remaneat, quin hæc sincera mente promittamus, libellum tradimus, & consentimus, ut nisi Oeconomo suspenso statim ad *Communionem* Patriarchæ redeamus, talis quæcunque placuerit sententia in nos feratur, & de hac re amplius loqui nobis non liceat. *Nec* Angelus nec homo ad id nos compellit, sed *Deus* ipse vestra usus opera nos excitat. In hac Epistola post restitutum œconomum dicit annos tres effluxisse; unde eruitur annus octingentesimus nonus.

§. XLIII.

Concilium contra Platonem & Theodorum convocatum.

Jam anno integro gravis persecutio Platonem & Theodorum urgebat. Nihil erat minarum finis, & sæpe ad se vocatis Imperator instabat, ut repugnantes in suam adduceret sententiam. Tandem misit cohortem militum, quibus subito Monasterium Studitarum cingentibus nemo pedem efferre audebat. In illa trepidatione Monasterium intrarunt Episcopi Nicenus & Chrysopolitanus Platoni & Theodoro collocuturi, & persuasuri

Sæculum IX. A. C. 809. suafuri, ut Josephum Oeconomum reci-
perent, qui sæpe memoratis nuptiis ju-
bente Tarasio Patriarcha benedixisset.
Tarasius enim, ajebant, Vir Sanctus erat
sicut S. Chrysostomus, ejusque dispensa-
tionem recipere tenemini. Eadem am-
 bobus, ad S. Sergium deinde custodia
 traditis, iterum suggesserunt,

Theoph. p.
 409.

Cum Monachorum constantia vinci
 non posset, Imperator Concilium men-
 se Januario, anno Regni sui septimo, In-
 dictione secunda, nempe anno octingen-
 tesimo nono, convocari jussit. Frequen-
 tissimus fuit Conventus multis Episco-
 pis, Abbatibus, virisque, quos præcipue
 in Imperio Dignitates ornabant, præsen-
 tibus. Triste vero spectaculum, cum
 inferretur S. Plato vir canis, & insigni
 pietate spectabilis. Nam, quia incede-
 re pedibus non valebat, aliorum hume-
 ris portabatur, trahens uno pede cate-
 nam, quam geruli indignantes alter in
 alterum rejiciebant. Theodorus quo-
 que ludibrio habitus, circumstantium
 plerisque ingentibus, nescire virum,
 quid diceret.

Ep. ad Eu-
prep. to. 7.
conc. p. 1192.

In hoc Concilio declaratum; Matri-
 monium Constantini cum Theodora ex
 Dispensatione fuisse legitimum, & Ana-
 thema contra illos, qui Sanctorum Viro-
 rum Dispensationes nollent recipere, pro-
 nunciatum.

Impera-

Imperator Platonem, Theodorum, Sæculum IX. A.C. 809.
 & Josephum Archiepiscopum in Mona-
 sterio Agathensi prope Constantinopo-
 lim morantes hujus Decreti certos fieri ep. 48. Cang. C. P. L. IV.
 jussit, missis Scutariis, qui indicarent, ac. 15. p. 180.
 Concilio fuisse excommunicatos & de-
 positos. Deinde omnibus tribus in car-
 cerem ad S. Mamantem conjectis, iterum
 adsunt iidem Scutarii, afferentes Excom-
 municationis & Depositionis Decretum,
 quod iterum prælegebant, Sanctis Viris
 utraque palma aures obstruentibus. Tum vit. Plat. c. 6.
 singuli in diversas Insulas haud longe n. 37. vit.
 Constantinopoli distitas relegantur, & Theod. c. 48. c. 49. 50. 51.
 carceri traduntur.

Nihil intentatum relictum, quo Mo-
 nachi Studitæ ad abjiciendam Abbatis
 sui sententiam compellerentur. Primum
 jubente Imperatore omnes in thermis
 includuntur. Deinde accersitos ipse in-
 terrogat, eorum præcipuis & doctissimis
 a ceteris avulsis insidiatur, blanditias,
 promissa, minas adhibet. Tandem in
 Arcibus, aut in Monasteriis jubet cu-
 stodiri, ubi a quibusdam Abbatibus pe-
 jus quam imperatum erat habebantur.
 Interim in Civitate Constantinopolitana
 præcones proclamabant, ne cuiquam i-
 storum Monachorum latibulum conce-
 deretur. Fuere enim ex illis aliqui, qui
 deposito tantisper Monastico & sumpto
 Sæculari habitu in specu delituerunt, quo
 Abba-

Sæculum IX. Abbati suo Constantinopoli degenti necessaria obsequia præstarent. Ex his non nulli deprehensi in Prætorio custoditi & ex urbe proscripti.

§. XLIV.

Quando liceat dispensare.

I. ep. 36.

Theodorus datis e carcere suo ad amicos Epistolis eorum animos contra persecutionem firmabat. Una ad Euprepianum eosque, qui cum ipso erant, dirigitur, in qua de Dispensatione differit, accusatque adversarios suos, quod tam Vetus quam Novum Testamentum oppugnent. Verba ejus sunt hujusmodi: *Lex præcipit: Non machaberis. Non assumes nomen Domini Dei tui in vanum. Eadem Lex Judæo erit & Profelyto. Evangelium prohibet, ne quis etiam videat mulierem ad concupiscendum eam, & condemnat eum, qui solvit mandatum minimum. Isti vero Oeconomiam dicunt & indulgentiam Ecclesiæ salutarem, adulterium, transgressionem maximi mandati, & assumptionem Nominis Dei in vanum, quam Sanctorum Mysteriorum Communio comitatur. Occludamus aures nostras, Fratres mei! ne horrenda blasphemia inficiamur. Quid autem afferunt ad defendendum facinus? Dicere audent, in causis Principum supremorum Evangelium secundum litteræ vigorem*

Exod. 20.

13. 7.

12. 49.

Matth. 5.

28. 19.